



鍾南淮北區域志



鍾鎮  
南淮  
北  
區  
域  
志

里人楊鹿鳴





# 鍾南淮北區域圖

晏浚

序

掌故之學權輿姬代朝置史官在慎厥守四方之志復隸外史  
故春秋禱杌咸有著錄炎漢呂降在朝史氏僅存告朔方志之  
諠默黯末晰是呂菟殘網逸私家是賴剏亡緝缺士林攸託若  
夫朝邑武功成諸一手蕞爾私乘彙括全境固云巨觀即或拳  
山勺水臚敷圖攷一邱半壑撫故實亦足巨賅遺佚資訂證  
識大識小歸墟則一吾邑志乘繇遠失修焦顧已邈金朱因覲  
可園老人竺志文獻曩謨瑣志都凡三種運漚橋道鳳麓東城  
亦既蟬媽鏤版埃來詰之摹擬供方志之采掇而盱衡全城鍾  
南淮北尚付闕如稻孫纂紹家學斐然命簡條舉件繫目張網  
舉凡夫華林名園青溪故宮籬門烟景珠河賸馥橋題飲虹航  
艤朱雀靡不鉅其部居疏其沿革譬彼子長編記上踵談憲孟  
堅成書遠嬗彪製茲帙顯襮而城垣區域于是大備逸之治邑  
乘者徵材鄧林搜玉玄圃繇是取資寧不善乎鯁生弱冠載賦  
金陵甄風采俗捕具厓阜下茲標季古諠賈隊同志蕩落岷峨  
名勝或萃腥羶幽幽嘉棲迺窟市僧坐使山靈獻調河伯騰笑  
曾不稍迴俗駕略返塵馭甚迺沈酒蠅咬嫉媚雋彥名都文獻  
日卽墮廢斯則披覽茲志悄然生無涯之喟者已

民國六年三月同邑程先甲一夔謨

敘

山川之形勝恒繫乎都邑之廢興金陵大洲峙鍾注淮今城之東北皆古六朝暨南唐有明宮府之所萃聚市廛之所紛集文獻燦燦乎民物鬱鬱乎迨世變推遷劫灰屢諮咸豐洪楊之亂昇平遺迹蕩焉廓焉豈不巨南畿形勢為古今所必爭而通都大邑勝衰靡常彼守之無其人與治之無其術亦徒令後之人撫賸水殘山憑弔于蔓艸荒烟已耳近自改革呂來辛亥癸丑間金陵疊遭兵燹而城之東北被災尤劇烽烟既息瘡痍未收陳君稻孫感時局之滄桑痛名都之榛莽于是原本山川經緯

都邑成鍾南淮北區域志一編竄徒繼吾鄉顧石公先生益山志與其尊人可園先生鳳麓東城連瀆橋道諸志而作與蓋將望古遙集使人惕然于河山再造之艱而有巨懲前毖後庶幾祛八代繁華之餘習而一復承平山水之舊觀乎然則斯志也又豈徒為一隅之舉云爾哉乙卯季冬江甯何允恕

凡例

一金陵南城東西隅及城中 家君著有鳳麓東城運瀆橋道諸志西城迤北顧丈石公臣益山志繼之而城東北一帶尚缺如也予侍養家居切問近思旁搜博采成鍾南淮北區域志而金陵城內之分志于是乎全

一鍾山自南淮水自北其區域幾得江甯府城之半背自大中橋為標準北巡城垣歷朝陽太平豐潤神策金川至儀鳳門為界南巡淮水歷利涉文德武定鎮淮飲虹至上浮橋北口為界面自內橋為樞紐北由盧妃巷斜展歷明瓦廊北門橋鼓樓再斜展至三牌樓與儀鳳門相接南由府東大街至驢

二

王吉源代印

子市折而西歷坊口果子行為界南縮北伸如石磬勾曲之形此其大概也

一是志凡三考曰山岡曰水瀆曰街巷其城廨宅第園墅祠廟寺觀墳墓人物皆隨其所在各注于下不必另標品目臣省筆墨

一是志所采專臣府縣志為主導源于建康實錄景定建康志金陵瑣事六朝事蹟編類白下瑣言諸書而輔臣板橋雜記客座贅語及 家君金陵通紀通傳鄉土志博覽而約取之不敢涉空虛無據之說述而不作蓋其慎也

一咸豐臣后古蹟大半燬燼予受生也晚百不知一每日餘閒

請家君話所見聞隨筆錄之昇平風景想像可知庶可不  
作殘山賸山觀

三

王言源代印

目錄

卷一

山岡

卷二

水瀆

卷三

街巷

鍾南淮北區域志卷一

可園老人鑒定

江甯陳詒紱稿孫編輯



山岡

鍾山西南麓明故宮之所在也

洪武初將建宮闕卜地于山陽填前湖而築之

前湖即太子湖一名燕雀湖梁

昭明遺迹也今既填塞猶留一泓于城外

周呂紫禁城正南曰洪武門

今地居正陽門當之

轉而向

東者曰長安左門再北曰東華門向西者曰長安右門再北

曰西華門正北曰北安門俗稱厚載門此外圍之六門也宮

門向南第一重門曰承天門內東太廟西社稷壇二重門曰

端門端門北有左右闕門古曰象魏三重門曰午門午門曰

內為大內由魏闕中分而東西者曰左掖門右掖門轉而向

東者曰東安門向西者曰西安門正北曰玄武門此內圍之

六門也午門前後有護城河二道橋其上數各五曰內五龍

橋外五龍橋其在東長安門外者曰青龍橋在西長安門外

者曰白虎橋巨象天津之橫貫焉午門之內曰奉天門左曰

東角門右曰西角門門皆有樓東角之南曰左順門西角之

南曰右順門左順門之南有文淵閣再東有文華殿右順門

之西有武英殿奉天門內居中向南者曰奉天殿

有方正學考孺被刑時血

蹟石數塊今已起立而居屋覆之

殿旁左向西者曰文樓右向東者曰武樓南

北連屬穿堂上有滲金頂者曰華蓋殿殿旁東曰中左門西

曰中右門再北曰護身殿殿後居中向南為乾清門宮之內  
門也門外左右金獅各一門內丹陛數重為乾清宮大殿殿  
左曰日精門殿右曰月華門殿之東西有斜廊廊之後左曰  
東暖閣右曰西暖閣皆南向再北則穿堂居中圓殿曰交泰  
殿滲金圓頂如華蓋殿式再北曰坤寧宮皇后所居也又有  
二殿曰柔儀春和別殿也臣上故宮規制皆據陳沂南畿志舊本及酌中志太子講學處  
曰大本堂疑在文華殿之側前朝後寢宮城之大概如此成  
祖北遷燕京宮室猶彷彿金陵之制焉本朝定鼎宮闕既廢  
午門以外遂改為駐防營順治中建將軍都統二署于中滿  
洲八旗分屯左右各立屋宇星羅棋布宣統末年焚燬殆盡

城郭人民又有昨是今非之感云

宮牆以外皆與山坡相倚

沿麓一帶石道嶮崎其間有茱萸塢宋道士陸靜修餌茱萸  
處也下為東田館齊文惠太子所建又于館前築博望苑梁  
沈約郊居賦所謂睇東嶽巨極目心悽愴而不怡昔儲皇之  
舊苑實博望之餘基者也約宅即在其旁居處儉素頗得野  
趣遺構尚可想見同時尚書徐勉開營小園亦其處也又北  
為宋王荆公安石故宅池亦名曰塘舊居地卑積水為患暨公卜居乃鑿渠決水且通城河元豐七年  
捨宅為寺賜額報寧計由府城門至鍾山此為半道故亦名  
半山寺矣寺前為半山園公有示蔡天啟詩云今年鍾山南

隨分作園囿即此寺後公墓在焉寺東里許有石阜隆起相

傳為謝公墩公詩所謂我屋公墩者是也案治城亦有謝公墩景定志半山寺所在舊名康樂

坊晉書謝玄封康樂公至孫靈運猶襲封恐是玄銅管水由此入城疑即及其子孫所居今並之佐證兩載其說臣侯折衷

吳鑿東渠舊蹟其間有東冶亭晉太元七年立為六朝三吳

士大夫餞送之所王荊公詩云遙望鍾山岑知是冶亭路舊

在半山寺前乾道五年留守史正志重建并築瑞麥和稼二

亭今亦無存矣案自某黃鳩博望苑謝公墩半山寺一帶皆與山阜起伏相接自明初築城劃入禁苑今在駐防城之東北乃與山實絕矣

西北有香林寺在厚載門後明時所建梁慶雲寺佛牙流傳

在此又有大藤結成自然椅容坐數人咸豐亂後佛牙失而

椅尚存蓋明宮中舊物也

又北至龍廣山而麓窮矣

龍尾坡在麓之西北明築太平門城跨其上半在城闌內

歷代戰爭之所也齊崔慧景犯臺城萬副兒請曰今平路皆

為臺軍所斷不可議進惟直從鍾山龍尾上出其不意耳梁

時北齊潛軍至鍾山龍尾及隨伐陳賀若弼于鍾山龍尾洲

築壘皆此處也蓋自山址築道坡陀臣登山曰龍尾今日龍

廣山同治三年六月曾忠襄公國荃用地道轟城蟻附齊上

俗呼為龍膊子者是

由鍾山麓而右遂達覆舟山

覆舟山與鍾山形斷脈連其東陵烽火所及竝為要隘晉蘇

峻作亂至蔣陵覆舟山進逼東陵詔臣卞壹督大桁東諸軍  
事安帝時劉裕討桓玄劉毅等軍至蔣山玄使卞範之屯覆  
舟山桓謙屯東陵是也西有樂園壘劉裕築臣拒盧循者也  
宋元嘉中臣其地為北苑更造樓觀于覆舟山後改曰樂游  
苑十一年三月禊飲于此會者賦詩孝武大明中造正陽林  
光殿于苑內梁侯景之亂焚燬畧盡陳氏立國更加修葺宣  
帝大建七年閏月甘露頻降輿駕幸樂游苑采露臣宴羣臣  
詔于龍舟山立甘露亭龍舟即覆舟山也有池曰西池亦在  
苑內故名樂游池本吳宣明太子所創一名太子湖晉元帝  
即位明帝為太子多養武士于池內築土為臺時人呼為太

子西池上有藏冰井宋大明中所鑿齊梁陳皆因之其下為  
法輪寺齊崔慧景圍宮城頽法輪寺對客高談處也又有龍  
光寺晉褚皇后因龍異而立本種青處初名青園寺高僧竺  
道生還都止青園寺是也今竝湮廢山之陽有晉征南將軍  
荊州刺史山簡墓蓋在樂游苑內也

覆舟山西接雞龍山其間有臺城在焉

漢末孫權建立吳國于黃龍元年築都城于覆舟山側東繞  
平岡西控石頭前擁秦淮北帶玄武周迴二十里十九步其  
正門曰宣陽在今中街又南五里至淮水有大航門在今長樂渡處亦  
烏十年作太初宮于其中周迴五百丈開八門前五門曰公

車曰昇賢曰明陽曰左掖曰右掖東一門曰青龍西一門曰白虎後一門曰玄武又于宮後拓苑城而大之

在今漢府珍珠橋之南

臺城之初基焉東晉臣來沿其舊制開十二門南曰宣陽曰

開陽稍東曰清明稍西曰陵陽正東曰東陽曰建春正西曰

閭闔曰西明正北曰玄武曰大夏曰廣莫曰延熙改吳大航

門為朱雀又繕苑城臣為新宮正南曰大司馬門

在今西華門大街

都城宣陽門對北曰平昌門

在今成賢街南口

東西二門曰東掖曰西

掖內有太極殿清暑殿歛後宋齊梁陳皆仍舊惟改開陽門

門曰津陽陵陽曰廣陽廣莫門曰北掖而于臺城東西開萬

春千秋二門後改為雲龍神虎宋則有含章明陽芳樂等殿

九  
書源代印

及紫極齋梁則有重雲五明披香等殿陳則有景陽樓及臨

春結綺望仙三閣皆在臺城之中至隋平江南建康城邑宮

闕皆平墜為田南朝遺蹟掃地盡矣

### 雞籠山亦名雞鳴山

山在覆舟山之西二百餘步高三十丈周迴一十里西接落

星岡北臨栖玄塘狀如雞籠故名山左有儒學館宋文帝立

臣居廬山處士雷次宗者時黑龍屢見玄武湖此山正臨湖

上改曰龍山齊竟陵王子良開西邸延才俊亦置士林館于

此先是齊武帝射雉鍾山至湖埭聞雞鳴梁時同泰寺在埭

南山麓趙宋為法寶寺明初榜曰雞鳴

時人遂名此山

遷靈谷寶

公函瘞于此山建塔五級前有施食臺相傳元時刑人于此  
延西番僧結壇施食以度幽冥臺下有泉冷然味清冽亦呼  
雞鳴泉寺後有閣即南唐涵虛閣面山枕城下臨桑泊也即後湖  
後奉觀音為倒坐像謂之觀音樓塔今廢寺重修光緒中拓  
豁蒙樓于其右俯踞山顛目極千里大觀也下為北水關宋  
元嘉時于玄武湖側作大竇通水入華林園天淵池復貫串  
宮掖即此處也山東麓有夫子廟明為國子監本朝為江寧  
府學同治中遷府學于冶山即其地作武廟西有古松亭亭  
如蓋或謂為六朝所留云後築兩江師範學堂于此  
明之欽天山也

十

王吉源代印

太祖定鼎金陵置觀象臺于山巔欽天監掌之南都博士  
陳于階拜天主堂殉節于此同時太學生吳可箕亦自經于

英靈坊下山左右列十廟

帝王廟將忠烈子文廟都城隍文天祥廟相山廟惠張渤廟漢壽亭侯關羽廟五顯靈廟

廟下忠貞堂廟劉忠肅王仁瞻廟曹武惠王彬廟衛國忠肅王福壽廟俱洪武二十二年建俗曰十廟

繇臣朱垣亦明之遺

蹟也癸丑之亂諸廟蕩盡惟帝王廟獨存改祀伏羲神農黃  
帝謂之三皇廟醫家祀之厠左別置祥將軍厚福提督珠洪  
阿祁方伯宿藻劉武烈公同纓四祠皆殉粵難者也由厠後  
坡院而上達真武行宮上為北極閣後有曠觀亭徙倚空濶  
南望城市烟火萬家左有萬壽閣康熙二十八年恩免房稅  
百姓伐石立碑恭紀其事今圯山後地頗沃衍居民多藝菊

為業蔡太僕世松晚香莊在焉旁有胥家大塘為鄉賢胥自

修園址今皆為蔓州矣宣統初端制軍方設公園于其側采各國花木鳥獸居供博覽又于園外開南洋勸業會海內

珍玩麟萃羽集雲烟過眼無復留遺惟  
記念塔尚在改革日來遂為屯兵之所

### 西接鼓樓山坡

坡上作城闕狀置樓于上以鼓報晝夜時刻明都城之規制也清康熙初立聖祖戒碑于上名曰碑樓世仍旁為倒鐘廠有明鐘二鐘樓中故物也泥土叢積一立一卧立者為粵賊所毀光緒中許方伯振禕以機器起其卧者築亭覆之呼為大鐘亭

### 自山坡以北岡巒起伏經妙耳山

妙耳山小阜也上有都天廟嘉道時賽會頗盛今為破屋數椽而已

### 至盧龍山儀鳳門截其北麓而止

山在儀鳳門內晉元帝初渡江北盡為虜寇所有以其山連石頭開鑿為固可比北地盧龍故名又名燕塞關山阿有道觀蒙呂山名又因形似狻猊謂之獅子山明祖嘗于山巔建閱江樓宋濂作記今平砥處即其故址至于西臨大江則跨城而北下不在區域之內故不復詳叙也

鍾南淮北區域志卷二

可園老人鑒定

江甯陳詒紱稻孫編輯

水瀆

楊吳城濠水

唐昇州治在秦淮長北楊吳時擴而大之貫秦淮于中西據

石城即今漢西門水西二門之間俗呼鬼臉城南接長干即今聚寶門外東連白下橋即

大中北限玄武橋即今北門橋橋所跨水皆所鑿城濠也其水大

抵引城南秦淮城東青谿諸水合而成河環繞都城而北注

今北水關所引西來之水已斷土人謂之乾河沿故專長北

面所受之水為濠水正幹

自北門橋東流折而北

北門橋在南唐都城北門外旁為清化市故曰清化橋一曰

草堂橋橋券內有石刻草堂橋三字宋置親兵教場于此又曰武勝橋矣

進香河之水入焉

進香河水明初所開因十厝初成進香皆泛此水而入故名

源自後湖銅管穴城而入由北而西為浴沂橋其北即明國

子監學今武廟羣峯環拱幽隱深秀水聲傍學宮牆泠泠如奏

琴筑至推為勝地又西為土橋稍南有橋即長進香為名再

折而南曰西倉橋旁有西倉巷明遺老杜濬居此曰石板橋金陵官紳

橋東祠中也圍臨河水曰紅板橋明初高皇后置倉于此曰嚴家橋曰

榭紅欄綠柳楚楚有情

蓮花橋自西倉橋至此其數五故又曰蓮花第五橋矣上元諸生周易

居此嘗于橋畔夾種桃柳春日花開雕妍纖秀不減明聖湖因自號曰六橋種花翁橋北有歐陽孝廉長海又一村今圯

城濠水又東流經浮橋北

旁為通賢橋有秦尚書承業宅道光中鬻臣助振

珍珠河之水入焉

河即古潮溝也陳後主泛舟遇雨水生浮漚宮人指曰滿河

珍珠也因臣名河

城濠水又東迤南經竹橋

竹橋在駐防城西北有水自東安門流至厚載門而絕又自

又南經元津橋明西華門外橋也又南經復成橋

明御河水自東來注之

御河水明洪武初開有橋五自東而西曰青龍曰白虎曰會

同會同館旁曰烏巒曰柏川此城半在城內半在城外俗呼半邊街明南都之變乞兒題

詩自沈處也又分御河支流于午門內有橋毘連曰內五龍

橋橋北今有古物保存所書籍圖畫碑版鼎彝各從其度後述遷置厦宇間古色益然足供瀏覽

流至柏川橋下合而西注于復成橋南之濠

又南過大中橋入于淮

大中橋一名長春橋明督師大學士黃公道周殉節于此故

又名大忠云

右楊吳城濠水